

与坡诗集注

卷

八七

東坡先生詩集註卷七

書事

河復

并序

熙寧十年秋河決澶淵注鉅野入淮泗自澶魏以北  
皆絕流而齊楚大被其害彭門城下水二丈八尺七  
十餘日不退吏民疲於守禦十月十三日澶州大風  
終日旣止而河流一枝已復故道聞之喜甚庶幾可  
塞乎乃作河復詩歌之道路以致民願而迎神休益  
守土者之志也

君不見西漢元光元封間河決瓠子二十年

續瓠子隄名也在今

澶州漢元光中河決瓠子東南注鉅野通於淮泗塞之輒復壞後二十餘年元封二年上有事萬里沙過祠太山還至瓠子自臨決河築宣房於是作宣房之歌次公前漢武帝元光元年歲在丁未盡六年改元朔則歲在癸丑盡六年改元狩則歲在巳未盡六年改元鼎則歲在乙丑盡六年改元封則歲在辛未自元光至元封凡二十五年按溝洫志元光中河決瓠子此元光之決也又云上有事萬里沙回還自臨河此元封之決也先生詩蓋言此

兩段事

鉅野東傾淮泗滿楚人恣食黃河鱣

次公武帝作瓠

子之歌有云吾山平今鉅野溢又曰齧浮桑今淮泗滿魯直魏武帝四時食制鱣魚大如五斗奩長一丈郭璞注爾雅鱣魚長二丈萬里沙回封禪罷

師萬里沙神祠也在萊州掖縣

初遣越巫

沉白馬

續上有事萬里沙回自臨決河沉白馬玉璧次公郊祀志云既滅南越命越巫立越祝沉白馬

河公未許人力窮薪芻萬計隨流下

厚河渠書天子令羣臣從官自將軍

已下皆負薪寘決河作歌曰拳長箋兮沉美玉河伯許兮薪不屬

吾君仁聖如帝堯百

神受職河神驕

師川禮記禮行於郊而百神受職焉

帝遣風師下約束北

流夜起澶州橋東風吹凍收微渌神功不用淇園竹

續武

帝塞瓠子時東郡燒草以故薪柴少而下淇園之竹以為櫂

楚人種麥滿河淤仰看

浮槎棲古木

援柳宗元詩渡頭水落村徑成棹亂浮槎在高樹

庚辰歲人日作詩聞黃河已復故流老臣舊數論

此今斯言乃驗

夢仙按年譜元符三年庚辰先生六十五在儋耳五月徽宗皇帝量

移廉州

老去仍栖隔海村夢中時見作詩孫

須溪此句為仲虎發也陸務觀云在

蜀見蘇山藏公墨迹疊韻竹後題云寄作詩孫符

天涯已慣經人日歸路猶欣

過鬼門

厚山水志廣南西路容牢二州界有鬼門關諺曰若度鬼門關十去九不問言多災瘴也

三



策已應思賈讓

續漢哀帝時賈讓奏言治河三策今見溝洫志

孤忠終未赦虞

翻

厚三國志虞翻性疏直數有酒失孫權積怒放之交州在南十餘年卒

典衣剩買河源

米屈指新芻作上元

不用長愁掛月村

任杜詩月掛客愁詩

檳榔生子竹生孫

自注海南勒竹

每節生枝如竹竿大蓋竹孫也

新巢語燕還窺硯舊雨來人不到門春

水蘆根看鶴立夕陽楓葉見鷗翻此生念念隨泡影莫

認家山作本元

自注言雖寄旅於海上不必以家山方是本元也

江漲用過韻

草木生故墟牛羊滿空瀆春江圍草市夜浪浮竹屋

祖信

唐房千里爲竹室記云予環堵所棲率用竹以結其四周植者爲柱楣撐者爲椽桷破者爲雷削者爲障已

連漲海白尚帶霍山綠

次公霍山則惠州江所出也

坎離更休王

次公

坎水也離火也火旺則水休水旺則火休也

魚鼈橫陵陸得非崑崙囚欲報

陸渾魮

次公陸渾縣名皇甫湜為令有山火詩韓退之和之其詩盛陳山火之熾勢以為火官用事而

水官告之于帝帝謂之曰此蓋時行使然汝於申酉之月然後可騁乃溺火官之邑已而囚火官於崑崙以報

怨也陸渾魮魮敗也

行看北風競

續左傳晉人聞有楚師師曠曰吾驟歌北風又歌南風南風不

競

來救南國感

援左傳成十六年云南國感射其元王中厥目

長驅連山燒一

掃含沙毒

厚山海經大荒南有蜮處水中含沙射人影中則成瘡

孤吟愍造化何

時停倚伏當憐水旱氓不作舟車蓄

厚史記旱則資車水則資舟物之理

也

江流儻席卷社酒期茆縮

次公古者以茆縮酒如左傳云楚貢包茆不入無以

縮酒

是已

連雨漲江二首

越井岡頭雲出山，  
狎柯江上水如天。  
牀牀避漏幽人屋，

續杜甫茅屋爲秋風所  
破歌牀牀屋漏無乾處

浦浦移家蟹子船。  
龍卷魚鰕并

雨，  
落人隨雞犬上墻眠。  
只應樓下平堦水，  
長記先生過

嶺年

急雨蕭蕭作晚涼，  
臥聞榕葉響長廊。

厚柳子厚詩山城  
雨過百花盡榕葉

滿庭鶯  
亂啼

微明燈火耿殘夢，  
半濕簾帷浥舊香。  
高浪隱牀

吹甕盎，  
聞風驚樹擺琳琅。  
先生不出晴無用，  
留向空堦

滴夜長

頃年楊康功使高麗還，  
奏乞立海廟板橋，  
僕嫌其

地湫隘移書使遷之文登因古廟而新之楊竟不  
從不知定國何從見此書作詩稱道不已僕復不  
記其云何也次韻荅之

退之仙人也遊戲於斯文談笑出偉奇鼓舞南海神

次公

韓退之有南海神廟碑最為奇絕

頃年三韓使

次公三韓使指言楊康公也高麗謂之三韓曰

晨韓曰弁韓曰馬韓

幾為蛟鰐吞歸來築祠宇要使百賈奔

板橋商賈

所聚

我欲遷其廟下數浮空羣

讀登洲海市

移書竟不從信非

磊落人公胡為拳拳繫此空中雲作詩頌其美何異刻

劒痕

次公楚人有行船而失劒乃刻舟記之欲以求劒焉事出呂氏春秋

我今已括囊象

在六四坤

援易坤卦六四曰括囊無咎無譽



兩橋

并引

惠州之東江溪合流有橋多廢壞以小舟渡羅浮道士鄧守安始作浮橋以四十舟爲二十舫鐵鎖石釘隨水漲落榜曰東新橋州西豐湖上有長橋屢作屢壞栖禪院僧希固築進西岸爲飛閣九間盡用石鹽木堅若鐵石榜曰西新橋皆以紹聖三年畢工作二詩落之

羣鯨貫鐵索背負橫空霓

次公羣鯨以言四十舟霓以言兩橋也

首搖翻

雪江尾插崩雲谿機牙任信縮漲落隨高低轆轤卷巨索青蛟掛長堤犇舟免狂觸脫筏防撞擠一橋何足云

謹傳滿東西父老有不識喜笑爭攀躋魚龍亦驚逃雷

電生馬蹏嗟此病涉久公私困留稽姦民食此險出沒

如鳬驚似賣失船壺

伯恭遜齋閒覽云傳云中流失船一壺千金壺乃今所謂浮環者凡

渡江海必預脩浮環以虞風濤覆溺之患其形如環而空中用帛爲帶挂之項上出兩手以按之則浮而不溺可以待救至今

如去登樓梯

次公後漢劉琦嘗與諸葛亮謀自安之術亮初不對

乃共升樓因去梯謂亮曰今日上不至天下不至地言出于口而入吾耳可以言未

不知百年來

幾人隕沙泥豈知濤瀾上安若堂與閨往來無晨夜醉

病休扶攜使君飲我言妙割無牛雞不云二子勞歎我

捐腰犀

二子造橋嘗助施犀帶

我亦壽使君一言聽扶藜常當修

未壞勿使後噬臍

次公左傳若不早圖後君噬臍

昔橋本千柱掛湖如斷霓浮梁陷積淖破板隨奔溪笑

看遠岸沒坐覺孤城低聊因三農隙

續左傳春蒐夏苗秋獮冬狩皆於農

隙以講事也

稍進百步堤炎州無堅石潦水輕推擠千年誰

在者鐵柱羅浮西獨有石鹽木白蟻不敢躋似開銅駝

峯如鑿鐵馬蹏岌岌類鞭石

厚三齊畧記秦始皇作石橋於海上欲過海看日出

處有神人驅石石去不速神人鞭之乃流血

山川非會稽

次公始皇所作石橋在今會稽郡石

猶作赤色也

嗟我久閣筆不書紙尾鷺

次公法帖中有王氏一帖最後大書一鷺

字相傳此帖之珍所酌至五十餘萬云

蕭然無尺筆欲構飛空梯百夫下

一杙

厚爾雅檝謂之杙注云檝也

桷此百尺泥

橋柱石礫之下皆有堅木桷入泥中丈餘

謂之頂椿探囊賴故侯寶錢出金閨

子由之婦史頃入內得賜黃金錢數十助施

父老喜雲集簞壺無空攜三日飲不散殺盡西村雞似

聞百歲前海近湖有犀

橋下舊名鰐湖蓋常有蛟鰐之類

那知陵谷變

枯瀆生茭藜後來忽忘今冬涉水過臍

李公擇求黃鶴樓詩因記舊所聞於馮當世者

黃鶴樓前月滿川抱關老卒飢不眠夜聞三人笑語言  
羽衣着屐響空山非鬼非人意其仙石扉三扣聲清圓  
洞中鏗鉉落門關縹緲入石如飛烟雞鳴月落風馭還  
迎拜稽首願執鞭汝非其人骨腥膻黃金乞得重莫肩  
持歸包裹弊席氊夜穿茆屋光射天里閭來觀已變遷  
似石非石鈇非鈇或取而有衆忿喧訟歸有司今幾年



無功暴得喜欲顛神人戲汝真可憐

續退之感二鳥賦雖得之而不能乃

鬼神之所戲

願君為考然不然此語可信馮公傳

監試呈諸試官

邦衡按先生文集年譜熙寧五年先生在杭州監試

我本山人寒苦盜寸廩文詞雖少作勉強非天稟既

得旋廢忘懶惰今十稔麻衣如再着墨水真可飲

續梁試進

士不中程者飲以墨水援唐嚴選舉之法棘圍舉人每至渴有飲墨水者子仁北齊選舉濫者飲墨水一斗

每

聞科詔下白汗如流瀦此邦東南會多士敢題品芻蕘

盡蘭蓀香不數葵荏貧家見珠貝眩晃自難審緬懷嘉

祐初文格變已甚

次公嘉祐初文格彫鏤磔裂如劉幾魏宜之屬

千金碎全璧

百納收寸錦調和椒桂醖咀嚼沙礫磳廣眉成半額

厚馬

廖言城中好廣學步歸蹕蹕續莊子壽陵餘子學行於邯鄲失其故步匍匐而歸

又云夔以一維時老宗伯援言歐陽永叔也氣壓羣兒凜蛟龍

不世出魚鮪初驚淦續禮運以龍為畜故至音久乃信

知味猶食樾續詩泮宮翩彼飛鶚集于泮林食我桑樾懷我好音至令天下士微

管幾左衽謂當千載後石室祠高朕厚高朕漢末為蜀郡守興設學校修

周公禮教邦人立石室祠之在文翁石室傍爾來又一變此學初誰論權衡

破舊法芻豢笑凡飪高言追衛樂次公衛玠樂廣言其時尚虛無之學也

篆刻鄙曹沈次公曹植沈約言時以詩賦為篆刻而不用也先生周孔出弟子

淵騫寢次公楊子或問淵騫曰在寢却顧老鈍恥頑朴謝鐫鉞諸君

况才傑容我懶且噤聊欲廢書眠秋濤春午枕

試院煎茶

蟹眼已過魚眼生

任蔡君謨作茶辨辨水泉煮飲等極為詳備有蟹眼魚眼用湯之法潘茶

經云凡候湯有三沸如魚眼微有聲為一沸四向如涌泉連珠為第二沸騰波鼓浪為三沸則湯老 颼颼

欲作松風鳴蒙茸出磨細珠落眩轉遶甌飛雪輕銀餅

瀉湯誇第二

續惠山泉煎茶為第二次公此乃是尋常點茶時先畧傾餅中湯方點謂之第二湯

也 未識古人煎水意

古語云煎水不煎茶

君不見昔時李生好客

手自煎貴從活火發新泉

續因話錄李約嗜茶能自煎謂人曰茶須緩火炙活火煎

活火謂炭之有焰方熾者

又不見今時潞公煎茶學西蜀定州花瓷

琢紅玉我今貧病常苦飢分無盃盤捧蛾眉且學公家

作茗飲塼爐石鉞行相隨不用撐腸拄腹文字五千卷

厚盧仝謝孟諫議寄新茶詩三  
但願一甌常及睡足日

高時厚盧仝新茶詩曰高丈五  
睡正濃軍將打門驚周公

催試官考較戲作

八月十五夜月色隨處好不擇茅簷與市樓况我官居

似蓬島鳳味堂前野橘香劒潭橋畔秋荷老八月十八

潮堯卿按正和中呂昌明所定浙江潮  
候云春秋同候初三十八未正潮壯觀天下無鷗

鵬水擊三千里組練長驅十萬夫厚楚子重伐吳使鄧  
廖帥組甲三百被練

三千以紅旗青蓋互明滅次公紅旗青  
蓋言弄潮也黑沙白浪相吞

屠人生會合古難必此景此行那兩得願君聞此添蠟

燭門外白袍如立鵠

東坡詩集卷之三  
書事



八月十七復登望海樓自和前篇是日榜出與試

官五人復留五首

樓上烟雲怪不來樓前飛紙落成堆非關文字須重看  
却彼江山未放回

眼昏燭暗細行斜考閱精彊外已誇明日失杯君莫怪

早知安足不成蛇

續陳軫曰人有遺舍人一卮酒者舍人相謂曰畫地爲蛇蛇先成者獨飲

之一人曰吾蛇先成吾能爲之足人奪之酒曰蛇固無足今爲之足非蛇也

亂山遮曉擁千層睡美初涼撼不膺昨夜酒行君屢歎  
定知歸夢到吳興

天台桂子爲誰香

厚唐垂拱中天台桂子落十餘日方止云陸龜蒙詩注

倦聽空